


光緒  
湖北  
輿地  
圖記



施南府輿地記一

施南府



光緒湖北輿地記十七

禹貢荆梁二州地職方爾雅則屬荊州春秋時為巴國地戰國為楚巫郡地秦為黔中南郡二郡地兩漢為巫縣南竟荊州南郡建安十三年魏武平荊州分南郡枝江以西為臨江郡赤壁敗後地入於蜀蜀改臨江郡為宜都郡二十四年地復入吳永安三年分宜都西部置建平郡治巫屬荊州又分巫縣南竟置沙渠建始二縣元和郡縣志沙渠吳分巫縣立通典建始縣本漢巫縣地沈約宋志建始晉初所立也又言晉有建平都尉領巫北并秦昌建始四縣咸甯元年改都尉為郡是咸甯前已有建始方輿勝覽言吳景帝置建平郡建始沙渠隸焉始信屬建平郡於是為沙渠建始二縣地晉建平郡然今依用之治巫領八縣在府竟仍為沙渠建始二縣東晉又分沙渠建始置新鄉南陵二縣均在府竟今建始縣北有南陵山當即古南

光緒湖北輿地記十七

一

陵縣地也又晉未有桓誕自稱施王屯據沙渠今府南十五里有施王屯是也宋初廢建始南陵二縣入巫縣宋建平郡治巫領七縣在府竟為巫縣南竟及沙渠新鄉二縣晉宋建平郡均屬荊州南齊志荊州闕建平郡廢置無可攷然水經注言夷水逕建平沙渠縣元和郡縣志言吳立沙渠縣至梁陳不改是齊梁魏時均有沙渠縣屬建平郡也其時建平郡治巫府竟當為巫縣南竟及沙渠一縣地新鄉則不知何時省廢後不復見矣周於沙渠縣置施州及清江郡又分沙渠置烏飛鹽水二縣以烏飛縣屬施州并置亭州及資田郡治鹽水又於巫南竟故建始縣地置建始縣并置業州及軍屯郡治焉隋開皇初廢清江資田軍屯三郡改烏飛縣為開夷縣五年改沙渠縣為清江縣大業初改亭州為庸州尋廢置清江郡治鹽水廢施州業州其

清江開夷建始均屬清江郡於是清江郡領鹽水巴山清江開夷建始五縣惟巴山在今宜昌府餘均在府竟清江郡屬荊州義甯二年廢清江郡復置施州領清江開夷二縣復置業州領建始一縣唐武德初置江州領巴山鹽水二縣四年廢江州以巴山屬睦州并廢鹽水縣入清江縣貞觀八年廢業州以建始縣屬施州麟德元年廢開夷縣入清江縣天寶元年改施州爲清化郡乾元元年復爲施州治清江領清江建始二縣屬江南西道五代施州梁屬蜀唐有其地旋入後蜀晉漢周均屬後蜀宋施州仍領清江建始二縣屬夔州路府竟之西舊爲巴蠻地其南舊爲五溪蠻地漢唐以來未嘗羈縻及之五代時始於南竟置羈縻感化州宋初爲羈縻富州後爲柔遠州宋初又於清江南竟置羈縻珍州後改高州復改西高州又置羈縻保順州

羈縻順州均在府東南竟又於西竟置羈縻龍渠縣

以上各羈縻州縣均

不見宋志惟南渡後咸清府有龍渠縣茲據方輿紀要采入

宋志清江縣有歌羅永甯細沙

甯邊尖木夷平等六寨元豐三年廢永甯寨置行廊安確二寨

又有暗利寨七女寨磨嵯蠻均在府竟宋史祥符初夔州路言

五團蠻嘯聚謀劫高州請令施州暗利寨援之乾興初順州蠻

田彥晏寇施州暗利寨知夔州史方發兵擊之追至七女寨又

祥符初黔州言磨嵯蠻歸順是也元至元二十二年省清江縣

并入施州於是施州僅領建始一縣屬四川等處行中書省又

於施州東南置懷德府屬四川行省所領有柔遠州卽宋羈縻

州也旋改柔遠州曰鹹毛洞至元三十一年升爲鹹毛府屬四

川行省至順中以懷德府爲宣撫司至正中升懷德宣撫司爲

懷德軍民宣慰司改鹹毛府爲鹹毛誓厓等處軍民宣撫司又

於施州東南百里蠻地置沿邊溪洞招討司至正二年改沿邊  
溪洞招討司爲施南道宣慰使司又於施州東南蠻地置又把  
安撫司隆奉宣撫司改宋龍渠縣爲志路寨屬施州又於宋西  
高州地置大奴管勾等峒長官司石溪峒長官司至正十一年  
改大奴管勾等峒長官司爲忠孝軍民府十五年改爲忠孝軍  
民安撫司又改石溪峒長官司爲高羅寨長官司又升爲高羅  
寨宣撫司又於施州南竟磨嵯蠻地置金峒寨屬施州又於施  
州南竟蠻地置龍潭安撫司木册安撫司唐崖長官司尋改爲  
唐崖軍民千戶所又置毛嶺峒至正十五年於毛嶺峒置宣化  
鎮南五路軍民府領提調軍民鎮撫所蠻夷軍民千戶所尋改  
宣化鎮南五路軍民府爲湖南鎮邊毛嶺峒宣慰使司又於宋  
保順州置忠建軍民都元帥府於宋順州置湖南鎮邊宣慰使

司元末明玉珍據有其地改散毛誓厓等處軍民宣撫司爲散  
毛沿邊軍民宣慰司改施南道宣慰使司爲施南道宣撫司於  
細沙寨置東鄉五路宣撫司於志路寨置忠路宣撫司改忠孝  
軍民安撫司爲忠孝宣撫司改高羅宣撫司爲高羅安撫司改  
金峒寨爲鎮邊五路總管府改龍潭安撫司爲龍潭長官司又  
於南竟大旺地置大旺宣撫司改木册安撫司爲木册長官司  
改唐崖軍民千戶所爲唐崖宣撫司改湖南鎮邊毛嶺峒宣慰  
使司爲鎮南宣撫司改湖南鎮邊宣慰使司爲沿邊溪峒宣撫  
司餘仍元舊明大祖甲辰年改懷德軍民宣慰司爲軍民宣撫  
司尋廢丙午年廢鎮南宣撫司洪武初省施州四年以建始縣  
屬夔州洪武四年平蜀建始當以此年屬夔州復以施南宣撫司爲宣慰司尋復  
爲蠻所據遂廢改東鄉五路宣撫司爲長官司改隆奉宣撫司

爲長官司後廢改忠路宣撫司爲安撫司改忠孝宣撫司爲長  
官司尋復爲安撫司改鎮邊五路總管府爲金峒長官司尋爲  
畔蠻所據廢木册長官司五年改忠建軍民都元帥府爲長官  
司改沿邊溪峒宣撫司爲長官司尋廢六年升忠建長官司爲  
宣撫司尋叛廢高羅安撫司升東鄉五路長官司爲安撫司七  
年改唐崖宣撫司爲長官司尋廢八年於南竟置東流安撫司  
尋廢復改置鎮南長官司改龍潭長官司爲安撫司十四年復  
置施州屬四川夔州府兼置施州衛軍民指揮使屬四川都指  
揮使司旋改屬湖廣都指揮使司後廢施州存衛是年討平忠  
建宣撫司十六年復置施南宣慰司二十三年討定施南金峒  
叛蠻以散毛沿邊軍民宣慰司之大水田地置大田軍民千戶  
所廢散毛沿邊軍民宣慰司廢忠路忠孝龍潭三安撫司復廢

鎮南長官司二十七年又廢施南宣慰司改忠建宣撫司爲安  
撫司尋廢永樂二年復置施南散毛二長官司屬大田軍民千  
戶所四年升施南散毛二長官司爲二宣撫司升屬施州衛復  
置龍潭安撫司屬散毛宣撫司復置忠建宣撫司屬施州衛復  
於沿邊溪峒長官司地改置忠峒安撫司復置高羅安撫司並  
屬忠建宣撫司復置木册唐崖二長官司木册屬高羅安撫司  
唐崖直隸施州衛五年復置忠路忠孝二安撫司復升金峒長  
官司爲安撫司均屬施南宣撫司改大旺宣撫司爲安撫司屬  
散毛宣撫司復鎮南長官司直隸施州衛九年以木册長官司  
直隸施州衛宣德三年於又把峒安撫司改置搖把長官司於  
懷德軍民宣撫司地置上愛茶峒下愛茶峒二長官司於隆奉  
長官司地改置隆奉蠻夷官司又分隆奉地置鎮遠蠻夷官司

三長官二蠻夷官均屬東鄉五路安撫司分忠路地置劔南長官司屬忠路安撫司分金峒地置西坪蠻夷官司屬金峒安撫司又改東流安撫司爲蠻夷官司分大旺地置牂壁峒蠻夷官司二蠻夷官均屬大旺安撫司成化後分高羅地置思南長官司屬高羅安撫司嘉靖初分施南地置中峒安撫司屬施南宣撫司於是施州衛領軍民千戶所一曰大田領宣撫司四曰施南曰散毛曰忠建曰容美惟容美爲今宜昌府之鶴峰長樂餘一所三宣撫均在府竟施南領安撫司五曰東鄉五路領搖把峒上愛茶峒下愛茶峒三長官鎮遠隆奉二蠻夷官曰忠路領劔南一長官曰忠孝曰金峒領西坪一蠻夷官曰中峒散毛領安撫司二曰龍潭曰大旺領東流牂壁峒二蠻夷官忠建領安撫司二曰忠峒曰高羅領思南一長官其木冊鎮南唐崖三長

官司則直隸施州衛者也 國初施南散毛忠建三宣撫司均爲土司屬施州衛雍正六年改施州衛爲恩施縣屬歸州三土司均屬恩施縣十三年置施南府治恩施以施南所領之忠孝安撫司地并入恩施以施南所領之東鄉五路中峒二安撫司及忠建所領之忠峒高羅二安撫司又木冊鎮南二長官司地置宣恩縣以散毛所領之大旺安撫司地置來鳳縣以大田千戶所及施南所領之金峒安撫司散毛所領之龍潭安撫司及唐崖長官地置咸豐縣以施南所領之忠路安撫司地置利川縣均屬施南府乾隆元年割夔州府建始縣還屬施南於是施南府屬湖北布政司治恩施縣城東臨清江在府南者曰宣恩又南曰來鳳在府西南者曰咸豐在府西者曰利川在府東北者曰建始置域南北三百里東西三百二十里府城略居中距

西北西南界稍遠東北東南界次之東至宜昌府鶴峯州界一百七十里西至四川石碛

廳界四百八十里南至四川酉陽州界湖南龍山縣界二百六十五里

巫山縣界二百四十里西南至四川黔江縣界三百十五里東北至巫山府境之南來

鳳縣境西水西有智勇關爲來鳳與湖南之龍山四川之西陽

界三省交會處也自智勇關西北迤歷仁育關百里至分水嶺

爲來鳳咸豐西陽界又西北歷深溪關六十里至大河出境處

爲咸豐西陽黔江界又西北六十里至龍觜河出境處爲咸豐

黔江彭水界又西北歷石牙關二十里至雲頭山南爲咸豐利

川彭水界又西北歷河湧塘卡馬桑坡卡八十里至鹿子嶺卡

爲利川彭水石碛界又北百五十里至太平鎮西之銅鑼關爲

利川石碛萬縣界轉而東百里至軟耳箐卡爲利川萬縣奉節

界又東八十里爲利川奉節恩施界又東北七十里至石乳關

爲恩施奉節建始界又北偏東六十里至三角椿爲建始奉節

巫山界亦建始北出奉節路也又東歷大巖鎮北百二十里至

黃龍嶺爲建始巫山巴東界轉而南偏東四十里至箐口鋪建

始東出巴東路也又南歷野三關循野三河七十里抵野三河

入清江處渡清江而南二十餘里至連天關爲建始巴東鶴峰

界轉而西南九十里爲建始鶴峰恩施界又西二十餘里爲恩

施鶴峰宣恩界又南十五六里至分水嶺宣恩東南出鶴峰路

也又南五六十里至雪落砦爲宣恩鶴峰桑植界又南三十里

至分水嶺爲宣恩桑植龍山界又西歷野熊勝水二關七十里

抵酉水爲宣恩龍山來鳳界又傍酉水南下七十餘里離水南

下二十里至界址溝南有來鳳南出龍山路又西南四十里渡

酉水至智勇關此府境之界也大江南之幹山自藏衛經金沙

江西瀾滄江東南池入雲南境經維西劍川浪穹鄧川大理趙州之東麗江鶴慶賓川雲南之西轉而東池經鎮南楚雄廣通元謀武定安甯昆陽晉甯呈貢嵩明馬龍之南南安祿豐羅次易門新興江川河陽宜良睦涼南甯之北轉而北池經宣威之西北入貴州境至北盤江烏江發源處轉而東入烏江盤江間經威甯水城朗岱廣順清鎮龍里之南鎮甯普定定番之北至都勻西南馬尾河發源處分爲二大支東池者爲五嶺止於鍾阜武昌之山卽五嶺所分支也東北池者入烏江沅水間經貴定甕安餘慶石阡安化印江之東南平越黃平施秉鎮遠思州銅仁松桃之西北入四川境經酉陽之北黔江之南至來鳳縣南之智勇關入府境西北池爲仁育關又北池爲分水嶺又北池爲來鳳咸豐界山至滴水關自智勇至此山東之水入西水

山西之水入大河水於是分爲二大支東支出清江之南者也西支則自清江南而繞出清江之北者也西支自滴水關西北池入咸豐境至縣城南之青龍山山北忠建河水出焉又北曰朝陽山轉而東北池至馬蝗坨入宣恩竟又東北池至鸚子巖入恩施境又北曰火山轉而西入利川境至乾溪山大河水出其南清江南源出其北又西北至齊嶽山龍觜河水出其南又西北至涼霧山清江水出其北自滴水關至此山南之水入烏江山北之水入清江蓋西支在清江南者也又西曰石穿山轉而北池至船山轉而東池爲利川萬縣界又東池入恩施奉節界至蒿坝北木貢河水出焉又東池至石乳關龍駒河水出焉又東北入建始奉節界至三角橋北轉而東入建始巫山界至大巖嶺蒲潭水出焉嶺北卽瞿塘巫山等峽山也又東至黃龍



嶺入巴東界東洛河水出其西南野山河水出其東南自石穿山至此山北之水入大江山南之水入清江蓋西支在清江北者也西支山在府境者止於此自滴水關東北迤入咸豐境至朝霞嶺卽板栗關入宣恩境又東北至大小寒山穿箭河出其南又東至二仙巖高羅河出其南又東至油煤界官潭水出其北又東至將軍山爲鶴峰界西水出其南水經注酉水導源益州巴郡臨江縣故武陵之充縣酉源山是將軍山卽酉源山矣

據此府之南竟漢晉爲充縣地宋齊爲臨江縣地也

山東北至分水嶺嶺西長潭水出焉

又東北爲恩施鶴峰界山又東北爲建始鶴峰界山至虎鶴嶺嶺南淩水出焉又東入鶴峰境自滴水關至此山南之水入沅入澧山北之水入清江東支山在府境者止於此其東支所分支山則自將軍山分支南迤曰雪落寨曰烏雞界又南入湖南

桑植龍山界蓋澧沅間支山也其西支所分支山則自乾溪山分支南迤入咸豐境又西南迤入四川之黔江境止於烏江蓋大河水與龍背河間支山也又自石穿山分支西迤至四川萬縣界葫蘆河水出山南新軍河水出山北於是分爲二支西南迤者入石碓竟止於葫蘆河入江處東北迤者入萬縣境止於新軍河入江處又自石穿山分支西南迤爲利川石碓界山又西南入四川彭水境而止於烏江此龍背河以西一支也此府境山之大概也府境地勢居高故其山分入三省其水亦然水之入本省境者爲清江水出利川縣西北涼霧北流轉而東流行百六十里入恩施竟經府城東行百八十里入建始境行六十里至野三河口入巴東境清江卽水經之夷水水經於江水下云東過魚復縣南夷水出焉又云東南過夷道縣北夷水從

猥山縣南東北注之又言夷水出巴郡魚復縣江是夷水首出魚復江尾入宜都江行五百餘里爲荊州之沱也胡朏明言古時自巴入楚避三峽之險皆從此路史記張儀說楚王秦西有巴蜀大船浮江以下不至十日而拒扞關是言舟師自夷水入楚也按扞關在長陽縣南七十里當在清江之南矣北距大江尙遠胡氏引張儀說爲證較確漢唐以來遂成斷港蓋魚復江口漸淤塞矣今攷舊跡大巖嶺下蒲潭溪或爲當日夷水正流蓋北距魚復略近耳水之入湖南竟者爲酉水出宣恩縣東南之將軍山西南流百二十里入來鳳界行百二十里南入湖南龍山境又東南入於沅水之入四川境者爲大河水出利川縣東南東南流十餘里入恩施境行九十里入宣恩境行二十餘里西南入咸豐境行百里入四川黔江境又西南入於烏江又

有龍觜河水出利川縣西北之齊嶽山南流行百里入咸豐境行五十餘里入四川黔江境又西南入於烏江此府境水之大略也

### 恩施縣

### 沿革

周爲巴國地戰國時爲楚巫郡地秦屬南郡兩漢爲南郡之巫縣南竟隸荊州建安十三年魏武平荊州分南郡枝江以西爲臨江郡赤壁之敗地入於蜀蜀改臨江郡爲宜都郡二十四年地復入吳吳永安三年分宜都郡西部置建平郡析巫縣南竟置沙渠縣屬之於是爲建平郡之沙渠縣地隸荊州晉平吳沙渠仍屬荊州建平郡晉末桓誕自稱施王屯據沙渠今縣南十五里有施王屯是也宋沙渠縣仍舊南齊州郡志荊州部無建

平郡廢置無可攷然水經注言夷水逕建平沙渠縣元和志言吳立沙渠縣至梁陳不改是齊梁魏時均有沙渠屬建平郡也周於沙渠縣置施州及清江郡又分沙渠置烏飛鹽水二縣以烏飛屬施州於鹽水置亭州及資田郡治焉於是爲沙渠烏飛鹽水三縣地兼有兩州兩郡治所隋開皇初廢清江資田二郡改烏飛縣爲開夷縣五年改沙渠縣爲清江縣大業初改亭州爲庸州尋廢復置清江郡治鹽水廢施州以清江開夷二縣屬清江郡於是爲鹽水清江開夷三縣地兼有清江郡治所清江郡隸荊州義甯二年廢清江郡復置施州領清江開夷二縣唐武德初置江州鹽水縣屬之四年廢江州并廢鹽水縣入清江縣麟德二年又廢開夷入清江清江爲施州治於是爲清江一縣地兼有施州治所天寶元年改施州爲清化郡乾元元年復

爲施州屬江南西道五代施州梁屬蜀唐有其地旋入後蜀晉漢周均屬後蜀宋清江仍爲施州治屬夔州路又於清江南竟置羈縻珍州後改高州復改西高州州北偏在今縣竟元至元二十二年以清江省入施州治屬四川等處行中書省於西高州北竟置大奴管勾等峒長官司至正初改爲忠孝軍民府十五年改爲忠孝軍民安撫司元末明玉珍據有其地改忠孝軍民安撫司爲忠孝宣撫司明洪武初省施州四年改忠孝宣撫司爲長官司尋復爲安撫司十四年復置施州屬四川夔州府兼置施州衛指揮使屬四川都指揮使司尋改屬湖廣都指揮使司後廢施州存衛二十三年廢忠孝安撫司永樂五年復置忠孝安撫司屬施州衛施南宣撫司 國朝雍正六年改施州衛爲恩施縣十三年置施南府廢施南所領之忠孝安撫司地

入恩施縣爲施南府治屬湖北布政使

疆域

廣百二十八里縱百二十里至南京師陸程二千七百里至省  
治陸程一千九百八十七里東至建始縣界八十三里西至利  
川縣界四十五里南至宣恩縣界四十里北至建始四川奉節  
二縣界八十里東南至建始宣恩二縣界八十五里東北至建  
始縣界九十里西南至宣恩利川二縣界九十三里西北至利  
川四川奉節二縣界六十六里

天度

增日出入

緯度北極出地三十度十七分二十八秒經度距京師中線  
偏西七度十九分

冬至日出卯正三刻十三分四十四秒日入酉初初刻一分十

光緒湖北輿地記十七

十一

六秒晝四十刻二分三十二秒夜五十五刻十二分二十八秒  
夏至日出卯初初刻一分十六秒日入酉正三刻十三分四十  
四秒晝五十五刻十二分二十八秒夜四十刻二分三十二秒  
山

都亭山在縣西五十二里交利川縣界西自齊嶽山分支來  
爲恩施清江以北諸山之始東北曰羅圈巖又東北曰甌子  
巖又東少北曰祖師巖又北至蒿埧北交四川奉節界山有  
流料溪出焉又東曰筆架山其西南爲土峯凸又東北曰金  
樓山其東南爲青堡又東少北曰分水嶺分三大支分水嶺  
之西南大支曰香城山又西南曰金峰山分二支金峰山之  
東南支曰七星洞有帶河水出焉又東南曰落水洞又南止  
於灣潭河水會帶河水處金峰山之西南支曰月壁巖其南

麓爲木貢有縣丞駐焉分二支月壁巖之東南支曰屯堡又東南止於帶河水入清江處月壁巖之東南支曰大畧礮又南曰蠻坡砦曰雨龍山又西南至落葉壩止於流料溪水入清江處分水嶺之南大支曰乾樹堙又東南曰蠻子山其西曰豬耳坡又分二支蠻子山之東南支曰熊家砦有小水出焉又東南曰紗帽山其東北曰牛鼻吼有小水出焉又東南曰三里荒又東至一桶水鋪止於熊家砦水會大沙河處蠻子山之西南支曰梭布埡又東南曰白頭砦又東南曰花石板分二支花石板之西南支曰沿長坡又西曰了福山有小水出焉又南曰封河山有小水出焉又東南曰朱家坳有小水出焉又南止於沙河水入清江處花石板之東南支曰龍洞又南曰大甕坡分二支大甕坡之南曰小甕坡又南曰三

岔口又南少西曰椅子山又南止於清江北大甕坡之西南支曰通天洞其西北曰龍洞有二小水出焉又西南曰五峰山又西止於清江東分水嶺之北大支交建始四川奉節二縣界曰石乳關有大陽河出焉又東入建始境此清江以北之支山也

鸚子巖在縣南偏西六十三里爲縣與宣恩界自四川酉陽州焦家山分支西北入咸豐縣境又分支經宣恩縣北起此山復分二支鸚子巖之東北支曰香花嶺東北有紙房溪別源出焉西北有石欄溪別源出焉香花嶺之東北支曰大山頂又東爲團圓坡又東北曰沙子坡又東北止于清江南香花嶺之東支爲黑山又西北曰筆峰山有來河水出焉迤東曰抱木埡又東北曰迴龍山又東北曰石鳳山又東北曰青

龍山又東北曰大青山又東北爲忠建河與清江合流處鸚  
子碧之西北支曰相公山東北曰火尖山分二支火尖山之  
東北支曰沙子坡又北少西曰羅家坡有小水出焉分二支  
羅家坡之東支曰偏碧坡又東北曰天成山又西北曰黃土  
坡又東曰黑石埡又東止於清江西羅家坡之北支曰藥山  
有麒麟溪水出焉又東曰出水洞又東曰翠濤山又東至毛  
家店止於麒麟溪水入清江處火尖山之西支爲金柱山金  
柱南支止於瑪瑙河北金柱山之北支曰太平山又北偏東  
曰火山又北爲轎頂山池東爲黃草坡有乾坪溪水出焉又  
東南爲馬家坪又東南曰獅子堡又東曰風吹埡又東五里  
爲府治金柱山之西支入利川縣境詳利川篇

筆架山在縣東南五十五里西南自宣恩仙女池山分支來

光緒湖北輿地記十七

十三

又分三支筆架山之東少北曰挂榜山又東北入建始東南  
境爲五花砦又東南爲迴龍觀山又東北止於五家河入清  
江處此建始境內山也筆架山北曰筆峯碧其西北爲松樹  
嶺又東北曰玉峯山又東曰五堡山又北止於清江南筆架  
山之東南支曰白碧又東入建始境曰虎鷄嶺交建始鶴峯  
界五家河出焉又由建始入鶴峯州境詳鶴峰篇

水

清江由利川縣東南流至都亭山南麓入縣境東南距縣城

五十里東南曲折流十四里有流料溪水自北來注

流料溪水源出

西北交奉節縣界山中東南流四里至板橋西又東南流十

二里又南屈曲流十三里又西南流四里又東南流四里經

木貢南又西南流七里入清江清江既會流料溪水又南折  
東流五里至兩河口有天鵝塘水自西南來注

天鵝塘水源出利川縣東

塊東北屈曲流十五里至石板頂入縣西境又東北流四里  
經梁兒鋪南又東北流六里又西北折而東北流四里經  
羅針田鋪西又東折北流清江既會天鵝塘水又東少北流

四里經橋頂山北麓又東流八里又東北流四里東南流四  
里又東少北流三里又有鴨松溪水自乾坪溪東北流來注又

東流五里至大龍潭又東流二里有帶河水自東北來注帶  
水源出縣北七星河南東南流五里經七里溝南為龍馬溪

又南少東流三里經落水洞西又南流四里合自西來之小  
水又南少東流三里合自東北來之灣潭河水又西南流里

許經三門洞東又西南流三里經金龍壩東又西南流四里  
經小龍潭場西始曰帶河水又西清江既會帶河水又南曲

折流三里有小水自後坪西流來注又西南流二里經方家  
壩鋪東又東南流二里經對河西麓又東南流六里經朱

家坳南又西折東南流五里經縣城東隅有沙河合諸澗水  
自東北來注沙河水源出青梅林塘東北南少西流三里又

西南流三里至土橋左會西北來之小水又南少西流二里  
經鐵溝西又南少西清江既會沙河水又西南流三里經

里至縣城東隅入清江清江既會沙河水又西南流三里經  
縣城南隅有麒麟溪水自西來注麒麟溪水源出縣西梁山

三里經高橋埧南又東流三里經獅子保南又東流二里經  
翠濤山北麓又東流三里經毛家店北會自北來之小水又

東流一里許至縣清江既會麒麟溪水又東南流半里許有  
城南隅入清江清江既會麒麟溪水又東南流半里許有

巴公溪水自西南來注巴公溪水源出縣南羅家坳東東北  
水又東流二里經黃土坎北又東流三里會自西來之小

自西南來注里入縣南境又東北流二里經車寮東又北少  
東流五里左合西來之小水又北少東流半里右合香花嶺  
水又東北流六里左合西北來小水又東流二里又東北曲

折流五里又西北流三里經芭蕉鋪東又北折東流四里爲  
石欄溪又小水自西來注又東流三里許經野子坦南又東北  
里許經吏衙門西又北少東流三里經大山頂西偏畧坡東  
又北少西流二里爲硃砂溪合自西北來之小水又東北流  
三里又東流三里經天成山南麓始曰大水溝又東流二里  
經沙子坡西入清江  
清江既會大水溝水又東流四里經鴨  
子塘南又東流五里經椅子山南又東流二里有紙房溪水  
自西南來注  
紙房溪水源出縣南界香花嶺北東北流三里  
里又東北流九里會自西北來之小水又東流四里經乾溪  
鋪南又東流四里經雙鹿井北又東流二里有九道水來會  
九道水源自縣南筆峯山北麓東流二里合鐵廠溝水又東北流里許始  
經迴龍山西麓又北流三里合鐵廠溝水又東北流二里右合  
曰九道河又東北流二里經漁潛湖北又東北流二里右合  
黃泥塘水又東北流三里會紙房溪紙房溪水既合九道水  
又東少北流四里經王家村西又北流八里入清江  
清江既  
會紙房溪水又東流四里爲長沙河又東屈曲流三里又東  
流五里有忠建河水自南來注  
忠建河源出咸豐縣經宣恩  
縣境北流入縣東南境又北

光緒湖北輿地記十七

五

流二里經虎城村西又北折東流十一里經銅鐘山北麓有  
冷水河小水自大栗園西折北流來注又北少西六里折東  
北流三里又西北流三里  
清江既會忠建河水又東流二里  
又東北流三里入清江  
爲石心河又北流八里經五龍觀東爲風水河又東折西流

六里經沙子地南爲銀潭河又東流三里有馬水河水自北  
來會  
馬水河水由建始南少東流入縣東北境又南少東流  
洛河水源出建始縣東望坪山西南流六十一里入縣東北  
境又西流五里經河水屯南又西流二里入里經大灣塘南會建  
始尹家村南入境之水又西流二里又北折南流三里經青

龍山北又北折南流三里又西流三里經鸚鵡背觀北伏流三四  
里經灌灘北涼風塹南又西流三里經鸚鵡背觀北伏流三四  
里復出又西折南流三里會自雀家坳之七渡溪水東洛河  
既會七渡溪折南流四里來注馬水河既會東洛河水又西  
少北流三里折西少南流五里又西少北流四里折西南流  
五里至兩匯口有大沙河水源出交建始奉節二縣界之石  
乳關南流五里爲丹陽溪爲建始恩施界水又南偏東流四  
里爲太陽河又南偏東流六里又南偏西流七里至麩子渡

又南流里許會自西來之茨竹溝小水又東南流十三里爲  
龍駒河又東南流二里經白楊坪北又東偏南流十三里爲  
始縣界又南流里許始曰大沙河又南偏西流三里入馬水



河馬水河既會大沙河木又東南流二里又西南流二里又南屈曲流八里經雙樹門北又東南流五里經南里渡鋪南又西南屈曲流五六里又南折東流三里經龍尖山西麓三里經一桶水鋪東又東南流三里又南折東流四里有小水自熊家碧東少北流來注又東南流七里經新渡垵西又西南流入里經碧溝山東麓清江既會馬河水又南折東流五里經天生礮場北爲龜山河又南而東流五里經石卡門北又東北流五里經玉峯山西麓又北曲折流五里又東少北流三里經大花背南又東流四里又東少北流五里經東遠村塘北又東北流七里經土砦溝塘南又東南折東北流十三里又東北折東南流十里經施州塘南雙土地北又東流四里離縣東境入建始縣東南界

瑪瑙河源出利川縣東南流入縣界東北距城五十三里東南流二里又南少西流八里又南流二里經見天垵東又東南流二里又南少西流六里經馬鬃嶺東又南少東流里許合西來之小水又東少北流六里又東少南流十一里又南流四里經下山峽西又東南流二里經弔畧東又東南流二里經上山峽南有桅桿堡鋪水來注桅桿堡鋪水源出桅桿堡鋪東北西少南流二里經桅桿堡鋪又西少南流四里會自西北來之小水又瑪瑙南折西流七里又西南流三里又西流三里入瑪瑙河瑪瑙河既受桅桿堡鋪之水又東南流四里經天池塘鋪東又東折西南流四里又東南流三里又北折東南流五里經相公山南麓又南曲折流四里又東折西南流七里又南折西流三里會自西來之小水又西南曲折流七八里有小水自下營垵東流來注又南少東流五里經黑鉛廠東離縣西南境入宣恩縣西南界詳宣恩縣水道篇

縣有市集五十一鄉四里三村二十六

七里坪場在城東七里蓮花池塘在城東二十五里三岔口場在城東四十里了沐峪場在城東四十五里萬寨場在城東六十里沙子地場在城東九十里黑灣場在城東五十里天生橋場在城東九十里响板溪場在城東七十里鴉雀水場在城東七十里保水溪場在城東一百一十五里城牆口場在城東一百四十里雙土地場在城東二百里水沙壩場在城東一百四十里天鵝坪場在城東一百二十五里崔家壩場在東一百二十里石灰窰場在城東二百四十里河水屯場在城東一百四十五里天橋場在城南一十五里沙子坡場在城南二十里硃砂溪場在城南五十里見天壩場在城南一百三十里王家村場在城南六十里芭蕉場在城南六十里黃泥塘在城南六十

光緒湖北輿地記十七

七

里桅桿堡場在城南六十里盛家壩場在城南一百二十里柘林溪場在城南一百二十里大吉場在城南一百四十里羅家坳場在城西四十里羅針田場在城西七十里白果壩場在城西三十里兩河口場在城西八十里方家壩場在城北二十里向家村場在城北三十里小龍潭場在城北三十里金龍壩場在城北四十里雞心籠場在城北四十里龍馬村場在城北六十里梭布壩場在城北九十里大屯堡場在城北六十里巒山子場在城北六十五里杉木壩場在城北六十里木撫村場在城北一百二十里白楊坪場在城北八十里馬者村場在城北九十里紅椿壩場在城北九十里土峯凸場在城北一百五十里太陽河場在城北一百二十里蒿壩場在城北一百五十里板橋場在城北一百六十里

鄉在城東者曰東鄉在城西者曰西鄉在城南者曰南鄉在城北者曰北鄉

東鄉轄一里曰崇甯里南鄉轄一里曰市郭里西鄉北鄉共轄一里曰都亭里

崇甯里轄十二村曰河水屯村曰蔣家壩村曰七渡溪村曰花被村曰石板場村曰馬尾溝村曰三里壩村曰滾龍壩村曰人

山頭村曰落渡村曰董家村曰杉木寮村市郭里轄四村曰南屯堡村曰硃砂溪村曰芭蕉村曰落坡村都亭里轄十村曰水田壩村曰三會驛村曰龍馬村曰大屯堡村曰落葉壩村曰金

子壩村曰馬者村曰木貢村曰木撫村曰軍寨村

蓮花池汛在城東二十五里崔家壩汛在城東一百二十里下營壩汛在城西南一百一十里施州塘汛在城東一百一十里

光緒湖北輿地記十七

六

東路鋪六曰蓮花池鋪曰了沐峪鋪曰一桶水鋪曰南里渡鋪

曰滾龍壩鋪曰崔家壩鋪凡一百三十五里至建始縣界

南路鋪二曰天橋鋪曰乾溪鋪凡六十五里至宣恩縣界

西南路鋪四曰芭蕉鋪曰桅桿堡鋪曰天池鋪曰下營壩鋪凡

百七十里至咸豐縣界

西北路鋪三曰方家壩鋪曰黃草坡鋪曰羅鋪田鋪凡百二十

里至利川縣界

東北路鋪三曰沿長坡鋪曰雞心籠鋪曰巒山子鋪凡八十五

里至建始縣界

職官

知縣 縣丞駐木貢 教諭 巡檢駐崔家壩 典史 城守營副將 把

總二員一駐蓮花池一駐崔家壩 外委二員一駐下營壩一駐施州塘

知府 同知 駐利川縣 訓導 經歷

宣恩縣

沿革

舊為清江南竟五溪蠻地宋初於清江南迤置羈縻珍州後改高州復改西高州又置羈縻保順州羈縻順州惟西高州北偏在今恩施縣餘均在今縣竟又有細沙寨亦在縣竟宋志清江縣有細沙寨是也元於西高州南竟置石溪峒長官司至正十五年改為高羅寨長官司旋升為高羅寨宣撫司又於保順州置忠建軍民都元帥府於順州置湖南鎮邊宣慰使司細沙寨仍宋舊又於施州東南置懷德府屬四川行省至順中以懷德府為宣撫司至正中升為懷德軍民宣慰司又於施州東南百里蠻地置沿邊溪峒招討司至正二年改為施南道宣慰使司

光緒湖北輿地記十七

十九

又於施州東南蠻地置又把安撫司隆奉宣撫司又於施州南竟蠻地置木冊安撫司又置毛嶺峒至正十五年於毛嶺峒置宣化鎮南五路軍民府尋改為湖南鎮邊毛嶺峒宣慰使司皆在今縣竟元末明玉珍據有其地於細沙寨置東鄉五路宣撫司改高羅宣撫司為安撫司改湖南鎮邊宣慰使司為沿邊溪峒宣撫司改木冊宣撫司為木冊長官司改湖南鎮邊毛嶺峒宣慰使司為鎮南宣撫司改施南道宣慰使司為施南道宣撫司餘仍元舊明大祖甲辰年改懷德軍民宣慰司為軍民宣撫司尋廢丙午年廢鎮南宣撫司洪武四年改東鄉五路宣撫司為長官司復改施南道宣撫司為宣慰使司尋為叛蠻所據遂廢改隆奉宣撫司為長官司後廢并廢木冊長官司五年改忠建軍民都元帥府為忠建長官司改沿邊溪峒宣撫司為長官

司尋廢六年廢高羅安撫司升東鄉五路長官司爲安撫司升  
忠建長官司爲宣撫司尋叛八年復置鎮南長官司十四年討  
平忠建宣撫司十六年復置施南宣慰司二十四年討定施南  
叛蠻又廢鎮南長官司二十七年改忠建宣撫司爲安撫司尋  
廢又廢施南宣慰司永樂二年復置施南長官司四年升施南  
長官司爲宣撫司復置忠建宣撫司復於沿邊溪峒長官司地  
改置忠峒安撫司復置高羅安撫司及木冊長官司五年復鎮  
南長官司宣德三年於又把峒安撫司改置搖把峒長官司於  
懷德軍民宣撫司地置上愛茶峒下愛茶峒二長官司於隆奉  
長官司地改置隆奉蠻夷官司又分隆奉地置鎮遠蠻夷官司  
搖把峒等三長官隆奉等二蠻夷官均屬東鄉五路安撫司成  
化後分高羅地置思南長官司屬高羅安撫司嘉靖初分施南  
地置中峒安撫司於是東鄉五路安撫司領搖把峒上愛茶峒  
下愛茶峒三長官隆奉鎮遠二蠻夷官與中峒安撫司同屬施  
南宣撫司高羅安撫司領思南一長官與忠峒安撫司同屬忠  
建宣撫司施南忠建二宣撫司均屬施州衛其木冊鎮南二長  
官司則直隸於施州衛衛隸湖廣都指揮使司 國初施南忠  
建皆爲土司雍正十二年以施南所領之東鄉五路中峒二安  
撫司忠建所領之高羅忠峒二安撫司及木冊鎮南二長官司  
地置宣恩縣屬湖北布政使司施南府

光緒湖北輿地記十七

三

疆域

廣百十里縱百二十五里至 京師陸程三千七百九十里至  
省治陸程二千七十七里至府治陸程九十里橫距府經線十  
里縱距府緯線四十九里斜距府五十里東至恩施縣界六十

五里西至恩施縣界二十里南至來鳳湖南龍山二縣界百五里北至恩施縣界九里東南至湖南桑植龍山二縣界百里東北至恩施縣界五十里西南至咸豐來鳳二縣界七十五里西北至恩施縣界十五里

天度 附日出入

緯度北極出地三十度二分五十秒經度距京師中線偏西

七度二十二分

冬至日出卯正三刻十三分九秒日入酉初初刻一分五十一秒晝四十刻三分四十二秒夜五十五刻一分十八秒夏至日出卯初初刻一分五十一秒日入酉正三刻十三分九秒晝五十五刻一分十八秒夜四十刻三分四十二秒

山

光緒湖北輿地記十七

三

縣西南有板栗關交咸豐縣界自咸豐縣東南象鼻山分支而來為縣境諸山之始東北距縣城八十里分為二支板栗關之東少南支曰滴泉山又東南曰香菌坪又東南曰將軍砦板栗關之東北支曰白葉坪又西北曰懷來洞又分二支懷來洞之東支曰大山坪又南曰上崗坪其西北有冉大河出焉又東南曰馬家砦又東南曰郭家坡又東南曰蓮花山又東南止於穿箭河水與冉大河水合流處懷來洞之北少東支曰龍角山又分二支龍角山之北支曰和尚巖又東北曰獅子堡又東曰桐子營龍角山之東北支曰杉木嶺又東曰卧犀坪其東北有穿箭河水出焉分二支杉木嶺之東北支曰天柱峯亦名雲頭山又南偏東曰馬家山又南曰獅子山其西為珍山縣志謂唐珍州蓋以珍山名也其東為么姑

山又南爲秦平山西爲甲羅山南曰玉柱峯又南曰萬線坡西南爲涼風洞東南曰四方砦又東南曰笑喜巖其東北爲金星山其西南爲亮洞坡臨白水河北杉木嶺之北少東支曰大寒山其西爲小寒山又東曰覃家坪又分二支覃家坪之北支曰銅鼓山又北曰珠山縣志所謂八景珠山曉翠其一也又東曰紅巖窰又南曰龍馬山又東北曰跳魚洞覃家坪之東南支曰二仙巖有高羅河水出焉其西南爲東門關往來鳳縣要道其東北爲獅子關二仙巖迤東曰涼風臺又南偏西曰三鳳山又東南曰油煤界其北有洪家河出焉分二支油煤界之西南支曰迴龍山又西南爲高羅河入白水河處油煤界之東北支曰將軍山跨鶴峯州界西南有西水出焉分三大支將軍山之東支入鶴峯州境將軍山之北支

曰香爐巖有山羊溪水出焉分二支香爐巖之西支曰紫金山有洪家河別源出焉又西北曰石髓山又西北止於長潭河水洪家河水合流處香爐巖之東北支交鶴峯州界爲分水嶺又西北曰金碧山又西北曰銅鐘山南有內口溪水出焉分二支銅鐘之西南支爲玉筍洞又西少南曰仙人洞又西曰龍角堡又西南止於長潭河入洪家河水處銅鐘山之西北支曰石虎山又西曰仙女池分二支仙女池之東北支入恩施縣曰筆架山仙女池西南支曰石龍洞其西北爲萬卷巖又西曰萬嶺山又西曰白巖山又西北爲新司河水入忠建河處將軍山之南支曰容美界其西南曰木欏寨又西南曰鴛鴦峽其東南有太白溪水出焉又東南交鶴峯州湖南桑植縣界爲雪落砦分二支雪落砦西支爲青龍山又西

爲羊角砦又西爲署司洞又西爲鐘子洞雪落砦之南支交桑植界曰烏雞界山又西南跨龍山桑植宣恩三縣界爲分水嶺分二支分水嶺之西支曰枕頭巖又西曰歇驟砦又西少北曰經歷砦又西北曰荷艷山臨白水河東分水嶺之西支曰飛沙坡又西南爲野熊關又西北曰香爐巖又南曰二虎砦又西南爲勝水關交龍山縣界自將軍山至此皆白水河以東支山也

猴子嶺在縣西南六十里西南自成豐縣東南鳳凰頂分支而來爲忠建河以北諸山之始迤東少北爲凌雲山又北曰普臺山又北曰筆架山又東北曰青山槽又東北曰福壽山又西北交恩施縣界爲鸚子巖分二支鸚子砦之西北支入恩施曰相公山鸚子砦之東支曰石堡砦又東北曰雙龍洞

有貢水出焉分三支雙龍洞之東支曰柳鵬坡又東南曰鼓臺山又南止於忠建河北雙龍洞之東北支交恩施界曰香花嶺有恩施紙坊溪水出焉又東北曰團圓坡又北少西曰大山頂又東北曰沙子坡自香花嶺至此皆恩施境山雙龍洞之東少南支曰大茅坡分三支大茅坡之北支入恩施曰黑山又北少西曰筆架山有恩施九道水出焉大茅坡之東南支曰青龍山又東北曰天馬山又東曰馬鞍山又東曰花栗堡又東北曰觀音山又北少東曰中峯山大茅坡之東支交恩施界曰枹木壩分二支枹木壩之東北支曰迴龍山又東北曰石鳳山又東北曰青龍山又東北曰大青山自枹木壩至此均屬恩施境內山枹木壩之東支曰疊翠山又東北交恩施界曰萬砦場又東南止於忠建河水入清江處自猴



子嶺至此皆忠建河以北諸支山也

水

忠建河源出咸豐縣西七里之朝陽山南東南流有別源自西來注又東流經咸豐縣城之南又東北轉而東流經楊泗壩南又東北流經龍坪場東又東少北流經白果壩之西北計行三十三里離咸豐縣東界入縣西南境又東北流八里經黃草壩鋪西又東北流三里經占田壩西長沙坪東又東北流十里經小關場西又東北流二里經麻里洞西又東北流五里經黑山槽東又東少北流五里經和尚巖北又北流三里經橋塘西又北少西流三里經大砦壩鋪東又北少東流七里經青山槽東又東流三里經慶陽壩南獅子堡北又東流二里又北少東流二里經桐子營西又北少東流五里

光緒湖北輿地記十七

五

經福壽山東又北少西流四里又東少北流四里經牛槽渡至石堡砦南又東少北流六里至五筈北會西北出雙門洞來注之貢水又東少北流里許經施南里南又東少北流六里經珠山北縣城南又東流四里經青龍山南又東流三里經棠耳溝南石廠溝北又東南流四里經陳家灣渡南又東北流五里又東流里許為三房溝又東流六里至花栗堡南

有新司河水來注

新司河上流有二一為長潭河一為洪家河

蕉湖長潭河亦有二源一出香爐崖北金碧山南為山溪

一出坪口溪皆在縣東南境出油煤界一為芭

馬虎坪西右合東南來之芭蕉湖水又西北流三里又西流

五里為洪家河又北流十一里為官潭又東北流四里有長

潭河水東南自香爐巖北金碧山南西北流十里為山溪

轉而西流五里經石髓山東又西北流九里至富廣坪東右

合東來之內口溪水始為長潭河又西北流十里來會洪家

河既會長潭河又南流三里經東鄉鎮汛西又西北流八里

始為新司河又北

忠建河會新司河水又東北流五里經

流六里入忠建河

忠建河會新司河水又東北流五里經

流六里入忠建河

忠建河會新司河水又東北流五里經

影塘南又東南流六里爲玉帶溪又東流里許經萬嶺山西  
北又北流三里經萬卷巖西又北流三里至觀音山東又北  
流五里經杉木樹塘西又北流三里經中峯山東又北流四  
里離縣東北界入恩施縣東南境

白水河卽古酉水源出縣東南交鶴峯州界七十里之將軍  
山西西南流三里經羅戈川北又西南流里許經曬坪南又  
南少西流四里又西少北流凡六里經三眼泉南又西南屈

曲流十二里又西南流五里至忠崗北左會自東來之太白  
溪水又西南流七里爲巖鳳溪又西南流三里爲畚刀溝又

西南流四里又西流里許經欄杆坪北又西南流八里至高

羅汛東有高羅河來注高羅河水源出縣南之二仙巖西南  
流爲瀑布泉又南流凡六里經東門  
關鋪東又西南流入里經馬家山東又南流四里至高羅鋪南  
寮鋪西又南流六里經么姑山東又南流四里至高羅鋪南

光緒湖北輿地記十七

五

會自東北來之李溪水又南流四里經頭道白水河會高羅  
水鋪西秦平山東又南流五里入白水河

河水又南流三里至葉家渡又南偏東流四里經乾壩司東  
又東南流六里經荷艷山南金星山北又東南流五里經經

歷砦塘南又東南流五里經歇驟砦塘西又南流八里經瑪  
瑙湖塘西布袋溪塘東又南折西流八里又西北流四里經

香爐巖北又西流三里經亮洞坡南又西流四里經巖腳塘  
鋪北至兩河口有李家河水來注李家河水源有二一出縣  
南臥犀坪場北爲穿箭河

一出縣西南上崗坪西北爲冉大河穿箭河水自臥犀坪南  
屈曲流十三里經珍山西又西南流四里又東南流九里經  
新安壩西又南流六里經蓮花山東又東南流四里又南流

六里與冉大河水會冉大河水自上崗坪南少東流十里經  
芭竹壩北又東少南流二里經馬家砦南又東少南折南少  
東流十里又東南流四里經賈家溝北又東南流四里與穿  
箭河水會二水既會始爲李家白水河會李家河水又南流

十三里經交湖南龍山縣界之勝水關西離縣南界入來鳳

縣東北境

瑪瑙河源出利川縣經恩施縣境南少東流入縣西南境經青山槽西又南少東折西少南流凡八里又南少西流三里又南流三里經筆架山西又南折西流六里經大蒜壩南又西流三里離縣西南界入咸豐縣東北境

鄉鎮

縣有鎮一市集二十一里七

東鄉鎮在城東四十里萬寨場在城東三十五里忠建河場在城東三十七里長潭河場在城東四十里獅子關場在城東三十里洗馬坪場在城東四十六里乾溝塘場在城東十五里板寮場在城南四十六里下高羅場在城南五十五里新安壩場在城南七十里李家河場在城南八十五里椒園場在城西十

光緒湖北輿地記十七

三

里慶陽壩場在城西二十三里倒崗塘場在城西二十里巖桑坪場在城西十六里覃家坪場在城西二十二里卧犀坪場在城西四十七里畚刀溝場在城東南六十三里上崗坪場在城西南六十五里板栗園場在城西南八十里小關場在城西南五十里黃草壩場在城西南六十五里  
里七東曰東鄉里南曰高羅里曰忠建里西曰施南里東南曰忠崗里西南曰木冊里曰石虎里

乾壩汛在城南七十五里忠崗汛在城東南六十五里高羅汛在城南六十五里東鄉鎮汛在城東四十里

東路鋪二曰劉家莊鋪曰東鄉鋪凡六十七里至恩施縣界

西路鋪四曰椒園鋪曰倒崗鋪曰大巖鋪曰黃草壩鋪凡九十

里至咸豐縣界

南路鋪八曰乾溪鋪曰茅壩鋪曰東門關鋪曰板寮鋪曰高羅鋪曰頭道水鋪曰乾溪鋪曰巖腳塘鋪凡一百八里至來鳳縣界

職官

知縣 訓導 巡檢一員駐乾壩 典史 千總 把總一員駐忠崗

外委二員一駐東鄉鎮一駐高羅

來鳳縣

沿革

舊為五溪蠻地元末明玉珍據有其地始置大旺宣撫司明洪武八年又置東流安撫司尋廢永樂五年改大旺宣撫司為大旺安撫司宣德中於東流安撫司地改置東流蠻夷官司分大旺地置臘壁洞蠻夷官司二蠻夷官均為大旺安撫司所領而

光緒湖北輿地記十七

三

隸於赦毛宣撫司赦毛宣撫司隸湖廣都指揮使司施州衛

國初赦毛為土司雍正十三年以赦毛所領之大旺安撫司地置來鳳縣屬湖北布政使司施南府

疆域

廣六十里縱百十里至 京師陸程五千里至省治陸程二千二百七十里至府治陸程二百七十里橫距府經線二十一里縱距府緯線百六十里斜距府百六十五里東至湖南龍山縣界五里西至咸豐縣界五十五里南至湖南龍山縣界五里北至宣恩縣界三十里東南至湖南龍山縣界五里東北至宣恩湖南龍山二縣界十二里西南至四川西陽州界百十里西北至咸豐宣恩二縣界三十五里

天度 附日出入

緯度北極出地二十九度二十九分二十秒經度距 京師中  
線偏西七度二十四分

冬至日出卯正三刻十一分四十九秒日入酉初初刻三分十  
一秒晝四十刻六分二十二秒夜五十五刻八分三十八秒夏  
至日出卯初初刻三分十一秒日入酉正三刻十一分四十九  
秒晝五十五刻八分三十八秒夜四十刻六分二十二秒

山

縣西南百一十里與酉陽州界有梅子坳南自石牙關分支  
而來爲縣境諸山之始分一小支以東出於怯道河之南曰  
苗容又東曰九靈洞又東曰智勇關其東臨白水河智勇關  
縣與酉陽以表界焉梅子坳之北循界者曰仁育關山怯道  
河出焉而東流注於白水河又東北曰峯巖峯巖之東南分

光緒湖北輿地記十七

天

一小支出於安撫司場水怯道河之間曰土堡其西南曰掛  
榜山又東曰秦古寺山又西南曰新寨又東少南曰獅子山  
又東南止於怯道河口峯巖之北至咸豐界曰分水嶺以下  
山有入咸豐境者均見咸豐篇分水嶺之東南分支曰黔江  
洞又東南曰白巖山有小水出焉北流注於老虎灘河白巖  
山之東南分支曰安撫場山安撫場水出焉而東南流注於  
白水河又東南曰梯子砦又東南曰梅子嶺分支二支梅子嶺  
之東少南支曰捏車坪又南曰卯洞白水河於此伏而復出  
又東曰香爐砦其北曰卧象山又西南曰天門山又西南曰  
望遠峯又南入湖南龍山境梅子嶺之東北曰梳桿堡又東  
少北曰涼水井又東北曰青屏山又東北止於漫水河入白  
水河處白巖山西支曰凌雲山有漫水河出焉又北偏東曰

路坡又東北曰小坳又東南曰黃泥堡又東南曰興隆坳又東少北止於紡車溪入白水河處此紡車溪漫水河二水間支山也白巖山之東北支曰三寨有紡車溪水出焉又東北曰黑洞又東曰大營山又東北曰九龍山又東南曰上砦又東止於白沙河西之仙人洞此紡車溪老虎灘河二水間支山也分水嶺之北偏東大支曰薄刀又北曰天山坪老虎灘河出焉又北曰高灘洞又北曰東折坳又東北曰分水嶺有羅三溪出焉分三支分水嶺之南支曰三刀嶺有杉木溪出焉又東南曰乾石洞又東南止於老虎灘河北分水嶺之東偏南支曰向家砦分二支向家砦南少西支曰佛山又東曰殼皮嶺又南曰望雲山又東南曰望月山又東少南曰貴帽山分二支貴帽山之南支曰振武砦又東南止於老虎灘河

入白水河之峽口貴帽山之東支曰塘房坡又南曰田家寨自佛山至此爲老虎灘河紅砦河二水間支山也向家砦之東南支曰勒馬坡又東南曰旗鼓寨分二支旗鼓寨東南支曰紅砦又南曰紅巖蛇又南止於紅砦河水入白水河處旗鼓寨之東北支曰翠眉山又東曰伏虎洞又東止於客砦河入白水河處自勒馬坡至此爲客砦河紅砦河二水間支山也分水嶺之東北支曰滴水關有客砦河水出焉又東曰登高山又東北交咸豐界曰老鴉關有老鴉凹水出焉分二支老鴉關之東南支曰小箐又東南曰三堡嶺又東南止於黃柏園此龍洞橋河老鴉關水二水間支山也老鴉關之東支曰天聖石柱交宣恩界分二支天聖石柱西南支曰三尖山又南曰龍洞又南少西止於白虎莊入客砦河處天聖石柱

之南支曰白巖山又東南曰老鷹坡又南曰五馬山山南爲縣治五馬山又分二支五馬山之西南支曰堡靖砦又南少東曰虎耳山臨客砦河北五馬山東南曰峽口砦又南少西曰玉屏山臨白沙河西自天聖石柱至此爲白沙河以北龍洞橋水以東支山也

水

白水河卽古酉水源出宣恩縣南流至縣與湖南龍山縣界之勝水關西循二縣界南少西流九里經峽口砦鋪南又西南流二里經玉屏山南又西南流二里經龍潭至縣城東南隅有客砦河水來注客砦河水源出縣西交咸豐縣界之滴南流二里又東流二里經貞肅里南又東流四里至青龍背北有老鴉關水自北南流來注又東流四里經漫塘南又東流二里又東少南流三里經黃柏園南又東南流四里至板栗坪北有小水自白鹿莊南流來注又東流八里經翠眉山

光緒湖北輿地記十七

三

北保靖砦場南又東少南流三里經縣城西南又東少南流二里入白水河北又東少南流三里經縣城南又東少南流二里入白水河白水河既會客砦河水又西南流四里又南流四里經劉

家坪東又東南流三里又西南流七里至紅巖坨渡有紅巖

河水來注紅巖河水源出縣西之穀皮嶺西東南流里許經革勒車鋪南又東南流三里經孝原里西又南流三里經望雲山東又東流七里經東流司場南太平園西又南流五里又東南流三里經貴帽山北又東流三里又東南

流四里經水坨溝南又白河水既會紅巖河水又南流五里東流五里入白河水

經田家寨東又南流八里至峽口南有老虎灘河水來注老虎

灘河水源出縣西之天山坪南東南流七里經土地了北又

東流三里會白南來之白巖山水又東流三洞會自北來之

杉木溪水又東流三里經大旺司汛北乾石洞西又東南流

里許經竹壩渡又東南轉而東北流十三里經舊司場南又

東流三里經石崖門鋪北有羅二溪源出縣西交咸豐縣界

之分水嶺東南南少東流四里經鐵家坨西又南偏西流四

里又東南流四里又東少南流十一里至望佛山南來會老虎

灘河既會羅三溪水又東南流六里經大堰塘西又南折東

流八里經振武巖西又南少東流三里經九龍山東又南流

三里又東少南流凡十白水河既會老虎灘河水又南流三里至峽口入白水河  
里有紡車溪水來注紡車溪水源出三寨南東北流八里經新路坡北又東偏北流二里又東流二里經小坳場北大營山南又東流四里經茶園坪南又南少東流四里又東流三里經上砦村鋪南又東偏北流二里經黃泥堡北又東偏南流二里經西壩坪南又東偏北流三里又東南流三里入白水河  
白水河既受紡車溪水又南流四里經興隆坳東又南偏西流五里至冉家壩東有漫水河來注漫水河水源出凌雲山場南又東南屈曲流六里又南少東流五里折北少東流五里又東少北流里許經漫水鋪南又東北流三里經蘇家坪南落印潭北又東少南流二里經智樂里南白水河既受漫水河水又南流六里經青屏山東又南流六里至勇敢里東又入縣境南偏西流五里經卧象山西北又西南流六里經周家堡東又南偏西流七里至香爐巖西伏流至卯崗西復出又南折西流五里經天姥崗北百戶司場南又西少南流

光緒湖北輿地記十七

三

四里至楠木溝北有安撫司場水來注安撫司場水源出安撫司場西東流三里經秦家營北又東少南流三里經梯子巖場西又南少東流四里又東南流六里經梅子嶺塘西楊家壩東又南偏西流東流五里經卯崗司西又南流五里入白水河白水河既受安撫司場水又西南流五里至陽和坪東有怯道河水來注怯道河水源出交四川酉陽州界之仁育關南東流六里又東少南折東少北流凡九里經木車壩南又東少南流五里經挂榜山南又東少南流五里至洞長壩南會自西東少北流之小水又東少南流四里又折東少北流凡十里又東南流四里經中軍壩南又東白水河既受怯道河水又西南流十里至交四川酉陽州界之智勇關東離縣境入湖南龍山

縣界

鄉鎮

縣有市集十六鄉三里十二

旗鼓寨場在城西南二十里上寨場在城西南三十八里毛壩



場在城西南二十八里猴栗堡場在城西北三十四里三堡嶺  
場在城西北二十四里漫水場在城西南五十五里安撫司場  
在城西南六十五里小坳場在城西南四十五里百戶司場在  
城西南八十里革勒車場在城西三十里蘇家堡場在城西三  
十五里東流司場在城西二十里舊司場在城西三十五里杉  
木塘場在城西四十里觀音橋場在城西南五十五里大河壩  
場在城西南五十里

鄉三在城東者曰體乾鄉在城南者曰達德鄉在城西者曰聚  
倫鄉

體乾鄉轄五里曰誠一里曰元阜里曰亨康里曰利正里曰貞  
肅里達德鄉轄三里曰智樂里曰仁育里曰勇敢里聚倫鄉轄  
四里曰孝原里曰悌恭里曰忠崇里曰信茂里

光緒湖北輿地記十七

三

卯崗汛在城西南七十里大旺汛在城西南四十里涼水井汛  
在城西南五十里

東路鋪一曰峽口寨鋪凡十二里至宣恩縣界

西路鋪二曰散毛鋪曰革勒車鋪凡五十里至咸豐縣界

南路鋪五曰紅巖堡鋪曰上寨鋪曰漫水鋪曰涼水井鋪曰界  
址溝塘鋪凡七十八里至湖南龍山縣界

西南路鋪六曰東流鋪曰石崖門鋪曰大旺鋪曰梯子巖鋪曰  
梅子嶺鋪曰卯崗鋪凡百十五里至湖南龍山縣界

職官

知縣 訓導

巡檢一員

駐卯崗

典史

千總

把總一員

駐大汛

外委一員

駐涼水井

咸豐縣

沿革

舊爲五溪蠻地五代時於其地置羈縻感化州宋爲羈縻富州後爲柔遠州又有磨嵯蠻亦在縣竟宋史祥符初黔州言磨嵯蠻歸順是也元改柔遠州曰敝毛洞至元三十一年升爲敝毛府屬四川行省至正中改敝毛府爲敝毛誓厓等處軍民宣撫司又於施州南竟磨嵯蠻地置金峒寨屬施州又於施州南竟蠻地置龍潭安撫司唐崖長官司尋改爲唐崖軍民千戶所均在今縣竟元末明玉珍據有其地改敝毛誓厓等處軍民宣撫司爲敝毛沿邊軍民宣慰司改金峒寨爲鎮邊五路總管府改龍潭安撫司爲龍潭長官司改唐崖軍民千戶所爲唐崖宣撫司明洪武四年改鎮邊五路總管府爲金峒長官司尋爲叛蠻所據七年改唐崖宣撫司爲長官司尋廢八年改龍潭長官司

光緒湖北輿地記十七

三

爲安撫司二十三年討定金峒叛蠻以敝毛沿邊軍民宣慰司之大水田地置大田軍民千戶所隸施州衛又廢敝毛沿邊軍民宣慰司及龍潭安撫司永樂二年復置敝毛長官司四年復置唐崖長官司直隸施州衛又升敝毛長官司爲宣撫司復置龍潭安撫司屬敝毛宣撫司宣德中分金峒地置西坪蠻夷官司爲金峒安撫司所領而隸於施南宣撫司而敝毛施南二宣撫司均隸施州衛衛隸湖廣都指揮使司 國初敝毛施南均爲土司雍正十三年以大田千戶所與敝毛所領之龍潭安撫司施南所領之金峒安撫司及唐崖長官司地置咸豐縣屬湖北布政使司施南府

疆域

廣百十五里縱百三十六里至 京師陸程三千九百二十五

里至省治陸程二千二百里至府治陸程二百二十五里橫距府經線七十三里縱距府緯線百二十里斜距府百四十里東至宣恩縣界三十二里西至四川黔江彭水二縣界七十三里南至來鳳界三十里北至利川縣界六十二里東南至宣恩來鳳二縣界三十五里東北至宣恩恩施二縣界五十里西南至四川酉陽及黔江界五十里西北至利川縣界八十里

天度

增日出入

緯度北極出地二十九度四十一分二十秒經度距京師中線偏西七度四十二分三十秒

冬至日出卯正三刻十二分十七秒日入酉初初刻二分四十三秒晝四刻五分二十六秒夜五刻九分三十四秒夏至日出卯初初刻二分四十三秒日入酉正三刻十二分十七秒晝五刻九分三十四秒夜四刻五分二十六秒

光緒湖北輿地記十七

番

山

分水嶺在縣南七十里交來鳳與四川酉陽州界首分之一支西北迤以表縣與酉陽界曰深溪關山又西北至天成橋水導源之山天成橋水出焉北流注於大河又北入縣境曰笏山又西北曰將軍山又東北曰楊洞又東北曰天成橋山架天成橋水而過之以接乎縣城西偏之山故名分水嶺之東北曰博刀林又北曰天山坪又北曰東林坳又東北爲分水嶺其北有天成橋河別源出焉又東北爲滴水關又北少東入縣境曰黃木壩又西北曰象鼻山分二支象鼻山之北少東支曰飛鳳山其西爲猴子嶺其東曰朝霞嶺又東交宣恩縣界爲板栗關又東入宣恩縣象鼻山之西南支曰梅家

山又西北曰青龍山又北曰朝陽山有忠建河水出焉其東南八里爲縣治又東北曰鳳凰頂其西北有小水出焉分二支鳳凰頂之東支入宣恩境鳳凰頂之東北支曰螞蝗坨又西北止於石人坪此大河以東之支山也

縣之北有黑崗卡交利川縣界東北自利川縣獅頭畧分支而來南距縣城六十里又西曰梅寨又分二支梅砦之西南支曰小木坪有清水塘水出焉又南曰櫃子巖又東南曰燕子巖此龍潭河以西唐崖河以東小支山也梅寨之西支曰唐崖其東北有唐崖河水出焉又西南曰青岡其東北有馬河壩水出焉又分二支青岡之西南支曰桅桿坳又東南曰雲霧山又南曰尖山此唐崖河以西小南海水以東小支山也青岡迤西四十里至活龍坪有外委駐焉又東南爲潤水

光緒湖北輿地記十七

三

洞又東南爲蠻王牌又西曰二仙巖此龍觜河以東小南海水以西支山也

水

龍潭河源出利川縣南流至縣北之黑崗卡入境又南流三里又東南折西南流凡七里又南少東流七里經中界坡西

麻池壩東又南流入里至七里塘鋪南有瑪瑙河水來注

瑪瑙

河水自宣恩縣西流入縣東北境又西流二里又西少南龍折西少北流凡五里又西流三里經石人坪北入龍潭河龍潭河會瑪瑙河水又南流三里經金崗寺塘東又南偏西流

七里經太平壩西會自小木坪東南流來之清水塘水又南

少西流入里經巴山壩西又西南流十里經舊龍潭土司西

會自西南來之鳳凰頂水又南流二里又南少西流入里經

梅子坪鋪北有唐崖河水來注

唐崖河水源出縣北之唐崖東北南少西屈曲流十三里

又南流九里至馬河壩東北會自西北來之馬河水又南流  
東流六里經王家村西又西南流三里又南折東流六里又  
東南屈曲流五里經櫃子巖西中塘水源自西流四里又南流三  
里經唐崖汛西有中塘水來注中塘水源出中塘北東南流  
十五里經兩河口鋪南又南折東流凡十三里又南少西折  
東少北流凡八里經馬家池鋪南又東少南流四里入唐崖  
河唐崖河會中塘水又西南流三里又東南流四里入龍潭  
經藍田灣會又西南流三里又東南流四里入龍潭河龍潭  
河會唐崖河水又南少西流六里有天成橋河水來注天成  
水源出縣東南之平陽里山中東流入里經興隆場北雙龍  
塘西又東北流六里折西北流三里經丁寨東又西北流二  
里又北流六里經水車坪鋪東又東流四里經頭莊岩塘北  
又東流二里經地砦壩南又東少南流二里折東少北流四  
里至禾豐里西會自東南來之分水嶺水又折少西流四  
里青龍山西又西北流六里伏流至天成橋復出又西流七  
流四里入龍潭河會天成橋河水又西少南流十四里至楊  
龍潭河

崗北曰大河又西南流入里有小南海水來注小南海在縣西北七十里

東西廣四里南北長十四里周圍約三十里其水出西北界  
山匯爲小南海南少西流四里經王壩場西又南流五里又  
南少東流五里折南少西流三里又南偏東流三里經槐杆  
坳塘西又東南流四里又東折南流凡九里經雲霧山西又

光緒湖北輿地記十七

美

南少東流四里又南流四里又東折南流凡四里又西少南  
流三里又南流三里會自西北來之蛇盤溪水又東南流二  
里又南流二里經蠻王牌東又南少東流四里經尖山寺場  
西又東少南流四里折南偏西流五里折南少東流四里入  
龍潭 龍潭河會小南海水又南偏西流四里經將軍山西又  
南偏東流四里折南偏西流三里又南偏東流三里折南偏

西流四里至張家坪西離縣西南界入四川黔江縣境

龍背河在縣西七十里源出利川縣南流入縣西北境又南

流二里又南偏西流三里又南流五里經活龍坪汛西又南

流三里又東南流四里折西南流四里會自東南來之澗水

洞水又南流六里又南偏東流四里折南偏西流五里又東

南流二里又東折南流凡四里經萬頃湖東又南偏西流四

里又南流三里經大路壩西又南偏西流四里至交四川彭

水縣界之石牙關東離縣西界入彭水縣境

鄉鎮

縣有市集三十一里八

老李壩場在城東北二十里梅子坪場在城西北一十五里馬河壩場在城西北六十里白果壩場在城東三十里龍坪場在城東北二十四里土老坪場在城南三十里丁寨場在城南三十里藍田灣場在城西北二十二里忠堡場在城東三十里楊崗場在城西三十四里新場在城東北三十二里沙子場在城西南五十五里尖山寺場在城西四十里清水塘場在城北五十里二臺坪場在城西北四十五里龍潭壩場在城北二十里中塘場在城西北七十里毛壩場在城西北七十五里活龍坪場在城西北百九十里龍觜河場在城西一百里燕子巖場在城西北三十里小村場在城北四十里大村場在城北五十里李子溪場在城西北五十里石人坪場在城東北四十四里黑崗場在城北百六十五里大路壩場在城西八十里蛇盤溪場在城西北九十里

光緒湖北輿地記十七

三

里八東曰永豐里太和里南曰樂鄉里平陽里西曰義悌里仁孝里北曰禮忠里智信里

張家坪汛在城西南四十四里唐崖汛在城西北三十五里活龍坪汛在城西北九十里

東路鋪三曰猴子嶺鋪曰邢家村鋪曰白果壩鋪凡三十二里至宣恩縣界

西路鋪六曰梅子坪鋪曰唐崖鋪曰馬家池鋪曰兩河口鋪曰毛壩鋪曰活龍坪鋪凡九十里至利川縣界

南路鋪二曰十字路鋪曰土老坪鋪凡七十里至四川酉陽州

界

北路鋪二曰舊龍潭鋪曰七里塘鋪凡六十六里至恩施縣界

職官

知縣 訓導 巡檢一員駐張家坪 典史 守備 把總二員一駐城一

駐唐崖汛 外委一員駐活龍坪

利川縣

沿革

舊為巴蠻地宋於其地置羈縻龍渠縣元改龍渠縣為志路寨屬施州元末明玉珍據有其地於志路寨置忠路宣撫司明洪武四年改忠路宣撫司為安撫司二十三年廢忠路安撫司永樂五年復置忠路安撫司又分忠路地置劔南長官司於是忠路安撫司領劔南一長官而隸於施南宣撫司施南宣撫司隸

光緒湖北輿地記十七

天

湖廣都指揮使司施州衛 國初施南為土司雍正十三年以

施南所領之忠路安撫司地置利川縣屬湖北布政使司施南

府

疆域

廣一百五十里縱九十五里至 京師陸程三千八百八十里至省治陸程一千一百八十里至府治陸程一百八十里橫距府經線九十三里縱距府緯線三里斜距府九十三里東至恩施縣界五十里西至四川石柱廳界一百里南至咸豐縣界五十三里北至四川奉節縣界四十二里東南至恩施咸豐二縣界六十五里東北至恩施四川奉節二縣界六十五里西南至四川彭水縣界百三十里西北至四川萬縣界百十五里

天度 增日出入

緯度北極出地三十度十六分二十秒經度距 京師中線偏  
西七度五十一分三十秒

冬至日出卯正三刻十三分四十一秒日入酉初初刻一分十  
九秒晝四十刻二分三十八秒夜五十五刻十二分二十二秒  
夏至日出卯初初刻一分十九秒日入酉正三刻十三分四十  
一秒晝五十五刻十二分二十二秒夜四十刻二分三十八秒

山

縣東三十里有偏坎東自恩施縣金柱山分支循界而來分  
三支偏坎之東北支曰長坎其北爲道東平山又東交恩施  
縣界曰石板頂又東曰梨兒坡又東止於兩河口西偏坎之  
北支曰團寶山南有黃連溪水出焉又西北曰金字山其西  
有响水洞又東北至黃連溪卡又北止於清江南偏坎之西

光緒湖北輿地記十七

五

支曰鍾靈山分二支鍾靈山之東南支曰青巖又東南曰金  
家坡分二支金家坡之東南支曰天茅坡又東南爲星斗山  
爲恩施咸豐二縣界山又南入咸豐境曰中界坡金家坡之  
東北支曰百家砦又東北交恩施界曰馬鬃嶺又東南曰二  
仙巖又東少南曰釣巖又南少西曰轎頂山其東爲金貓巖  
又東南曰椿木槽其西南麓曰下營壩有外委駐焉自馬鬃  
嶺至此均屬恩施縣境山鍾靈山之西支曰乾溪山南有乾  
溪水出焉東北有小河溝水出焉分二支乾溪山之西南支  
曰三峰尖又分二支三峰之西南支曰龍頭山西爲燕子巖  
又南至下道子鋪止於南河入龍背河處三峰尖之東南支  
曰獅頭巖其東北曰土牆壩有小水出焉又分二支獅頭巖  
之東北支曰應山又東南曰二龍山又東南交咸豐界曰黑



崗在縣南少東六十里又南入咸豐境獅頭巖之西支曰象鼻嶺西南爲鳳鳴岡又西南曰雁坎山迤西曰天望坡又西止於龍觜河東乾溪山之北支曰龍泉山西有孫家溝水出焉又西少北曰中和山分二支中和山之西南支曰仙女洞又南偏東曰鳳凰山又西南曰一品山又西南曰烏東坡又西南至忠路鋪止於孫家溝水入龍觜河處中和山之北支曰佛寶山分二支佛寶山之東支曰龍洞坳有龍洞溝水出焉迤東十七里曰直山其南爲鐵鑪岩南少東距縣六里許又東少南曰暑洞坡南少西距縣五里許佛寶山之西北支曰齊嶽山西南有小谷溪出焉又西南曰涼霧山分二支涼霧山之西南支曰七星巖又東南曰白玉山又西南曰大木峰又西南至小谷溪止於大沙河河水入龍觜河處涼霧山之

西少南支曰楊坡北五里許有清江水出焉又西曰烏雲山又北少東曰石穿山又北迤西曰瑪瑙山分三支瑪瑙之西南支曰石門坎其南麓有臥牛潭有後江水出其西北分二支石門坎之南少東支曰石龍堡又東南曰四方山又南少東曰回子坡又西曰星砦又南少東曰青龍山又東南止於後江水與龍觜河合流處石門坎之南少西支曰卦子山有二小水出焉其西麓曰沙子關跨四川石柱廳界又分二支卦子山之東南支曰仙女坎又南少東曰香爐山又南少東曰靈臺山又南曰大寶山又南少東曰瑞獅巖又南曰獅子堡又迤東止於龍觜河西卦子山之南支曰馬鞍山又南少東曰飛水巖又南少西曰官營山又南少西曰麂子嶺卡交四川石柱廳彭水縣界又南少東曰羊角腦卡又南少東曰

馬桑坡卡其東南曰河湧塘有沙溪水出焉又東曰雲頭山分二支雲頭山之東北支至高張卡又東止於龍背河西雲頭山之東南支入咸豐縣境瑪瑙山之西北支曰七曜山又東北入四川萬縣境瑪瑙山之東支曰插旗山其西北曰船山又東少南曰齊嶽山在縣西北四十里山勢綿亘數十里與佛寶山西北之齊嶽山連爲一山清江伏流於此其北麓有輓耳箐卡跨四川萬縣界其西南曰望龍坡又東南曰黃泥坡又東北曰窖金堆又東曰觀彩峽又東少南交恩施界曰都亭山在縣東少北五十五里又東入恩施境

水

清江卽古夷水源出縣西北四十七里之楊坡地鋪北山中西少北流七里經譚家壩西又北少西流三里經石穿山東

光緒湖北輿地記十七

望

麓又東北流三里又西北流十里曰大跳墩河又東北流三里經孫家塘南又東北流六里經野茶壩塘南又東南屈曲流十一里經汪家營場北又東南流十二里至插旗山南麓張家村西又伏流十餘里至齊嶽山東麓復出又東南流十里又東北流四里經弔水壩北又東南流六里經宜山北麓大箐南又東流四里經大坡槽鋪南又東流里許至龍潭又東流二里至七了口西有小河溝水來注

小河溝水源出龍泉山東南乾溪山

東北麓東北流四里又東折北流十里經三渡水鋪東又東北流九里至縣城西南隅合自西來之龍洞溝水又東流二里經木站屯北縣城南隅又東流四里經李入坊場北

清江又北小東流五里經畧洞坡東又北流七里入清江

會小河溝水又東北流十六里至落水洞又伏流十六里至

觀彩峽南復出又東流十里經小桃園南又東流二里爲雪

照河有黃連溪水南出縣東之團寶山南麓北屈曲流來注

約行四十三里清江會黃連溪水又東少南流十一里至交  
恩施縣界之都亭山南麓入恩施縣西境

龍觜河源出縣西七十里建南鎮東南東少南流五里經小

河場北又東少南流八里經烏雲山南又南折西流五里經

建南鎮同知署東又東南流四里又南折東流七里至四方

山東左有大溪沙水自楊坡地鋪西南流來會龍觜河既會

大沙溪水又南少西流七里折南少東流九里有小谷溪水

自東北來注小谷溪水源出齊嶽山西南麓西南流四里經

江又西少南折南少東流七里為黑溪又南折西流七里為前

鳳山西又西流四里經官渡汛南又西折南流六里經大木

龍觜河既會小谷溪水又南流三里又西南流六里經回子

坡東南又南流九里又東南流五里至城池壩東忠路縣丞

光緒湖北輿地記十七

壘

之南有孫家溝水東北出龍泉山西北繼長壩鋪南西南流

四十一里來注龍觜河既會孫家溝水又南少東流三里經

燕子砦西又南少東流二里折南少西流六里經青龍山東

麓又南少東流六里經下道子鋪西有南河水東出土壩壩

場北西流八里經金塘北又西少北流五里又西南流八里

經象鼻嶺西又西流五里又西南流十三里經雙峰場南雁

坎山北麓又西流八里經下道子鋪南來注龍觜河水既會

南河水又南流三里餘至天望坡西有後江水來注後江水

西九十里之臥牛潭東南流四里經白楊塘場西又南流四

里又南少東流九里為清灘溪又南少西流三里經仙女坎

東又南少西流二里折東南流三里經香爐峰北又東南流

十里又南少西流十三里經靈臺山東麓又東南流七里經  
後鄉東又東南流九里經十字路場西又西南屈曲流六里  
經瑞獅巖東又東南流十里又東南流十里又東少南流六里  
里入龍 龍觜河既會後江水又南流五里至白龍潭又南流

里許至沙溪鋪南有沙溪水自西南來注沙溪水源出縣治西南之河湧塘卡東北北流六里經雲頭山西麓又西北流五里又北折龍背東流八里又東北流二十里又東流七里入龍背河龍背河水既會沙溪水又南流四里至高張卡東離縣西南界入咸豐縣西北境

龍潭河出縣南二十五里之乾溪山東南流五里經乾溪塘北又東南流四里經九渡塘南又東南流五里又南折東流五里又東北折而東南流十二里經紅椿溝場西又南少東流十六里經箐碧南又南少東流六里經毛壩場西又東南屈曲流十里經金東坡西又南少西流八里經黑崗卡東離縣南界入咸豐縣北境

箭竹溪出縣西北七曜山東北流六里經箭竹溪場北又東北流十七里會自太平屯北流之水又東北流五里經人頭

光緒湖北輿地記十七

聖

山西麓又北流五里離縣西北界入四川萬縣境

磁洞溝水出縣西北山中北少東流十五里經老支羅西又北少東流十四里離縣西北界入四川萬縣境

龍背溪出縣西北石門坎卡之南西南流三里又西流五里又南少西折南少東五里又西少南流六里經石板灘北離縣西界入四川石柱廳境又西流四里始曰龍背溪又西南流十三里會自縣西挂子山北麓之小水又西南流十二里有縣西挂子山南麓之小水西流來注約行二十餘里

鄉鎮

縣有鎮一市集三十里六四里至高張卡東離縣西南界入建南鎮在城西九十里李子坳場在城東十五里三步街場在城東二十里團寶市在城東六十里箐口場在城東七十里納

水溪場在城南七十里紅椿溝場在城東七十里毛壩場在城南百二十里大塘場在城西七里涼霧山場在城西三十里興隆場在城西六十五里土壩壩場在城北百八十里老屋基場在城西南九十里沙溪場在城西南百八十里暑門頭場在城西南二百里長順壩場在城西二百里井坪場在城西三百一十里黃鶴壩場在城西三百四十里長堰塘場在城西北四十里汪家營場在城西北七十里野茶壩場在城西北七十里同興場在城西北百二十里新場在城北百三十里柏楊塘場在城西北百四十里小河場在城西北百四十里魚筓口場在城西北百四十里箭竹溪場在城西北百四十里楓香壩場在城西北百八十里太平鎮場在城西北二百里柏楊渡場在城西北二百里蘿蔔店場在城西北二百二十里

里在城東者曰都亭里在城南者曰講讓里在城北者曰興仁里在城西南者曰懷德里在城西北者曰向化里曰市郭里南平汛在城北六十里建南汛在城西北百九十里忠路汛在城西南百三十里

東路鋪三曰火鋪塘鋪曰下馬溪鋪曰長山坎鋪凡一百里至恩施縣界

西路鋪四曰石灰窰鋪曰白楊塘鋪曰楊坡地鋪曰水田壩鋪曰建南鋪凡九十八里至四川石柱廳界

西南路鋪七曰三渡水鋪曰繼長壩鋪曰潭文溝鋪曰孫家溝鋪曰忠路鋪曰下道子鋪曰沙溪鋪凡百十里至咸豐縣界

西北路鋪二曰小箐了鋪曰南坪鋪凡五十五里至四川奉節

職官

知縣

縣丞

駐忠路鋪

訓導

巡檢

二員

駐建南鎮

典史

守備

駐忠路鋪

千總

二員

駐官渡

把總

二員

駐南平鋪

外委

註典

隆

建始縣

沿革

周爲巴國地戰國時爲楚巫郡地秦屬南郡兩漢爲南郡之巫縣南竟隸荊州建安十三年魏武平荊州分南郡枝江以西爲臨江郡赤壁敗後臨江郡入蜀改爲宜都郡二十四年宜都郡入吳永安三年分宜都郡西部置建平郡析巫縣南竟置建始縣屬之隸荊州晉平吳建始縣仍屬荊州建平郡東晉分建始置南陵縣今縣北有南陵山當卽古南陵縣地也宋初廢建始南陵二縣入巫縣於是仍爲巫縣之南竟巫縣爲建平郡治隸

光緒湖北輿地記十七

壘

荆州齊梁魏因之惟齊志荊州部無建平郡蓋缺簡耳後周復分巫縣南竟置建始縣并立業州及軍屯郡治焉於是今縣竟有一州一郡治所矣隋開皇初廢軍屯郡大業初廢業州以建始屬荊州清江郡義甯二年復於建始縣立業州唐貞觀八年廢業州以建始縣屬施州天寶元年改施州爲清化郡乾元元年復爲施州屬江南西道五代施州梁屬蜀唐有其地旋入後蜀晉漢周均屬後蜀宋元建始縣皆屬施州宋施州屬夔州路元施州屬四川等處行中書省明洪武初省施州四年以建始縣屬夔州府洪武四年平蜀建始當以此年屬夔州府九年降夔州府爲州十四年復升爲夔州府隸四川布政使司 國朝乾隆元年割夔州府建始縣屬施南府隸湖北布政使司

疆域

廣百三十五里縱七十二里至 京師陸程三千五百八十里  
至省治陸程一千八百七十里至府治陸程百二十里橫距府  
經線三十八里縱距府緯線六十里斜距府七十二里東至宜  
昌府巴東縣界百一十里西至恩施縣界二十五里南至恩施  
縣界十七里北至四川巫山縣界五十五里東南至宜昌府巴  
東縣及鶴峰州界百三十里東北至四川巫山縣界八十里西  
南至恩施縣界二十里西北至四川奉節縣界四十里

天度 附日出入

緯度北極出地三十度三十五分三十秒經度距 京師中線  
偏西七度六分五十秒

冬至日出卯正三刻十四分二十七秒日入酉初初刻三十三  
秒晝四十分一分六秒夜五十五刻十三分五十四秒夏至日  
出卯初初刻三十三秒日入酉正三刻十四分二十七秒晝五  
十五刻十三分五十四秒夜四十分一分六秒

光緒湖北輿地記十七

巽

山

縣之西偏北與四川奉節縣界曰石乳關有太陽河出焉其  
東南分支曰藥山又東南曰觀音巖有交養河水出焉分二  
支觀音巖之南支曰貓兒坪又東南曰羅家坪又東北曰景  
陽山其北爲建陽關又東北至金鷺子又東止於馬水河西  
觀音巖之東支曰連珠山又東南曰朝陽山又東止於廣潤  
河合交養河處石乳關之東北曰當陽山分二支當陽山之  
東南支曰龍鳳山又東南曰文殊山又東南過縣治又東南  
止於支瀆河水合廣潤河處當陽山之東北支曰老龍洞分  
三支老龍洞西北支曰千丈崖又西入四川奉節縣境老龍

洞之東南支曰五老山有支潯河水出其西又東南曰黃土坡又南曰慶雲山又東南曰文治山又東止於馬水河曰祿山老龍洞之東北支曰雞公山分三支雞公山之北支曰一線巒又北少西曰三角椿雞公山之南支曰獅子巒又東南曰鶯鶯觀山又東南止於木瓜河水入烏水河處雞公山之東支曰二仙巒有木瓜河水出焉又東北爲扯著坡分二支扯著坡之東南支曰盛家園又東南至官田坪又東南曰黃山又南止於兩溪河北扯著坡之東支曰銅鼓凸有桐木溪出焉其東南爲陽坡又東曰大巖嶺又東南爲石乳觀其北有蒲潭溪水出焉分二支石乳觀之南支曰雪巖嶺又西南曰涼風巖又西曰銀山又西北曰州墓山又西爲猿蹄山又東南爲羊背隴山又西南爲汪家砦此東洛河以西馬水河

以東支山也石乳觀之東南支曰楊柳荒其西南爲二里坡又東南曰望坪山有東洛河水出焉又東曰馬虎山南有羊芋河水出焉分三支馬虎山之北支交巴東巫山縣界曰黃誰嶺又東入巴東境馬虎山東南支曰連三坡南止於羊芋河與毛葺河合流處馬虎山之西南支曰石門山其東爲石門關有外委駐焉又南曰短巖分二支短巖東南支曰石埡子又東南曰滴水洞其西南爲關口埡又東南曰黃木埡又東南止於野三河入清江處短巖之西支曰紅巖子其東南爲長嶺又西交恩施縣界曰石梯子又西南至崔家壩駐有巡檢壩有東洛河別源出焉又西少南曰椒莊又西曰龍尖山分二支龍尖山之北支曰響水洞又北止於兩匯口龍尖山之東南支曰天鵝山分二支天鵝山之西南支曰老熊坡



又西南曰龜山又西止於馬水河入清江處天鵝山之東支曰土砦又東北曰五鳳山又東止於小橋水入清江處自石梯子至此均屬恩施境山

水

馬水河源出縣東北之石乳關西北大巖嶺東南西南流四里又南流三里經蒲潭溪塘東爲蒲潭溪又西南流五里又南流三里又東南流二里又南流里許又南偏西流二里又南流十一里又西南流六里經羅轉壩南又西北流五里又西流五里經楊坡南又西偏南流四里右會西北出銅鼓凸之桐木溪水約行三十六里馬水河水又西少南流六里經崔家灣東又南流五里經滕家灣西又南少西流六里爲兩溪河又西流七里至猿啼山北有木瓜河水來注木瓜河源出縣北

光緒湖北輿地記十七

巽

二仙崖南流三里經團元會西又南偏西流三里經獅子崖東又南偏東流二里經銅鑼壩北銅鑼壩宋詹狀元故里也又東南屈曲流九里又南流二里至官田坪西又南流六里經頭壩堰東又東南流七里經長梁子南又南少東流三里經東瓜寺西營營觀東又南少東流馬水河會木瓜河水又三里又迤而南流四里入馬水河

西折南流九里經祿山東麓又南流三里有廣潤河會諸水

自西北來注廣潤河水源出縣西鳳尾觀南龍鳳山西東南

東南流三里經上竹園北又東流四里又南少東流五里經連珠山東又東南流四里經縣城西隅又東南流三里至縣城南隅有交養河水來注交養城西隅又東南流三里至縣上竹園南連珠山西麓又南少東流四里爲馬瀾溪又東南流三里又東流六里經朝陽山南麓又東流三里經牛角水鋪三里又北流里許至建陽關西入廣潤河廣潤水又東流五里經建陽關北有交養河水來注交養河水源出麻城寺南五老山西東南流十一里經文殊山東麓又南少東流四里經慶雲山西麓又東南流三里經松樹坪東又南流三里經縣城東隅又南流二里注於廣潤河廣潤河水又東流五里經鶯子店北文治山南又東馬水河水又南流里許經崔家壩西又西南流三里經馬水河鋪西又西南流六里經景

陽山東又南少西流三里經汪家砦西又南屈曲流七里至  
撤毛西南離縣南界入恩施縣東北境

清江源出利川縣經恩施縣東流入縣東南境又東流三里

經棉羊口塘南又東流四里又東少南流三里又北少東流

七里有小水源出恩施縣東流入縣東南境又東南流來注

約行二十里清江水又東流四里經青龍寺北又東流二里

經麻根壩北又東流六里經景陽口塘南為景陽河又東北

折而東流六里經關口崖南又東南流入里經清江堡塘南

又東流七里至黃木垭南有五家河水來注五家河水源出

北流六里經大莊西為朱耳河又東北流五里又北流七里

折東北流六里至雲臺觀東始曰五家河又北少東流四里

又東流四里經張家壩南又東北流十一里經紅沙溪塘北

栗谷壩南又東折東北流十一里又北流五里經朱家觀西

又北少東流三里經田家壩東又北少東流清江會五家河

光緒湖北輿地記十七

完

水又東流四里交巴東縣界有野三河水自北來注野三河

縣東境之龍潭坪南流五里又南少東流三里又南流二里

為校津河又南少東三里折西南流四里經連三坡鋪東二里

南偏西流五里經柴家荒西又南流六里為毛茸河又南少

西流三里至石佛寺東有羊茸河水北出馬虎山南流來注

毛茸河既會羊茸河水又南少東流三里又西流四里折南

流三里又東南流三里又南流五里經普濟橋至交巴東縣

界之野三關西始曰野三河又西南流九里又南流四里又南

三元壩東又南流三里河東交巴東縣界又南流四里又南

少東流十一里又南流四清江水又東流離縣西偏南界入

里至野三河口入清江

鄉鎮

縣有鎮一市集三十鄉四里七

大巖嶺鎮在城東北百二十里龍潭坪集在城東百六十里青

里壩集在城東百二十里高店子集在城東一百里廣福橋集

在城東百二十里三里壩集在城東六十里石垭子集在城東

八十五里落水洞集在城東七十里大興廠集在城東七十五里萬福橋集在城東八十五里貓兒坪集在城西十五里上竹園集在城西十二里羅家壩集在城南二十里小客坊集在城南二十里紅巖子集在城南六十里花果坪集在城南百二十里杉樹灣集在城南百零五里土魚河集在城南八十里官店口集在城南二百四十里田家壩集在城南百二十里挖葛壩集在城南百六十里朱耳河集在城南二百五十里板橋子集在城北七里長梁子集在城北三十里下壩觀集在城北十五里銅鼓凸集在城北百二十里毛田集在城北七十里石曰驛集在城北四十里頭壩堰集在城北二十五里黃土坎集在城北八里杜家壩集在城北七里

鄉四在城東曰東鄉在城南曰南鄉在城西曰西鄉在城北曰

光緒湖北輿地記十七

五

北鄉

東鄉轄二里曰坊郭里太安里西鄉轄一里曰新隴里南鄉轄二里曰長壽里景陽里北鄉轄二里曰永福里革塘里

石門關汛在城東九十里

東路鋪七曰馬水河鋪曰羊背隴鋪曰小壩鋪曰乾溝鋪曰石門鋪曰連三坡鋪曰箐口鋪凡百二十里至宜昌府巴東縣界南路鋪二曰牛角水鋪曰龍駒河鋪凡二十里至恩施縣界

東北路鋪三曰上壩鋪曰石白驛鋪曰大巖嶺鋪凡九十里至

四川巫山縣界

職官

知縣 縣丞 訓導 典史 把總 一員 外委 一員 石

關 門 駐大巖嶺 嶺鎮

